



Кўплаб Япония Олий ўқув юртлари тобора ўсиб бораётган мусулмон талабалар жамоасининг талабларини кондириш мақсадида ўз ошхоналарида халол таомномалар жорий этишни бошламокда. “Бу янгиликни киритилиши жуда фойдали бўлди, илгари мен тушликни ўзим билан олиб келишга мажбур бўлар эдим”, - деди халол товукдан тайёрланган таом билан тушлик килаётган 21 ёшдаги Малайзиялик талаба махаллий газетага берган интервьюсида.

Яманаши университети кафетериясида якин вақт ичида умумий сони 10 хил турдаги “халол” белгиси қўйилган таом ва газаклар пайдо бўлди. Бу Университетда 180 нафар чет эллик талабалар таълим олади. Бундан 50 нафари Индонезия, Малайзия, Бангладеш ва бошқа мамлакатлардан келган мусулмон талабалар бўлиб, Университет ошхонасида халол таомномаларнинг йўқлиги улар учун нокулайликлар тугдираётган эди. “Мамлакатлар ва диний жамоалар қандай махсулотлардан таомлар тайёрлаш мумкинлиги ҳақида турли тушунчаларга эга”, - дейди университет кафетерияси менеджери Тетсуя Танахаши.

Яманаши Университети – NFUCA Университетлар Федерацияси маълумоти бўйича “халол” таомномаларни киритган 19 университетнинг бири ҳисобланади.

Эътиборга олиш лозимки, биринчи бўлиб талабаларга “халол” тушликларни Токио университети 2010 йилдаёқ таклиф қилган эди.

Бундан ташқари Университетлар Ширкатларининг Токио Хизмат Бирлашмаси Канто худуди ўқув юртлари учун “халол” товук, мол гўштларини сотиб олишни бошлади.

“Япония ҳукумати 2020 йилда мамлакат ўқув юртларидаги чет эллик талабалар сонини икки баробарга оширишни мўлжалламокда. Ошхоналарда «халол» таомномаларнинг пайдо бўлиши эса мусулмон мамлакатларидан талабаларни жалб қилишнинг йўлларида биридир”, - дея хабар беради Муслимэко.